



PEKELILING PENTADBIRAN
BILANGAN 18 TAHUN 2020

**PENANGGUHAN AKTIVITI BAGI MEMBENDUNG
PENULARAN JANGKITAN COVID-19 UNTUK WARGA
UNIVERSITI TEKNIKAL MALAYSIA MELAKA**

Pejabat Pendaftar

13 Mac 2020 | 18 Rejab 1441H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/1 JLD. 3 (18)

13 MAC 2020
18 REJAB 1441H

PEKELILING PENTADBIRAN BIL. 18/2020

PENANGGUHAN AKTIVITI BAGI MEMBENDUNG PENULARAN JANGKITAN COVID-19 UNTUK WARGA UNIVERSITI TEKNIKAL MALAYSIA MELAKA

Universiti Teknikal Malaysia Melaka (UTeM) mengambil maklum perkembangan terkini mengenai penularan jangkitan COVID-19 berdasarkan laporan daripada Kementerian Kesihatan Malaysia (KKM). Pada 11 Mac 2020 Pertubuhan Kesihatan Sedunia (WHO) telah mengisytiharkan COVID-19 sebagai Pandemik. Pandemik merupakan penyakit merebak ke peringkat atau skop lebih besar, merentasi negara dan benua serta ia berlaku secara cepat dan pantas. Ciri pandemik adalah melibatkan kadar serangan yang tinggi dalam masa yang singkat.

Berikutan penularan wabak COVID-19 ini, pihak Universiti sangat mengambil berat kesihatan dan keselamatan warga UTeM dan masyarakat secara umumnya. Sehubungan itu, dengan mengambil kira nasihat daripada KKM (merujuk kepada kenyataan akhbar Ketua Pengarah Kesihatan bertarikh 27 Februari 2020) serta Kenyataan Media oleh Kementerian Pendidikan Malaysia pada 13 Mac 2020, pihak pengurusan UTeM menasihatkan semua warga untuk mematuhi arahan berikut:-

1. Menangguhkan perjalanan rasmi atau persendirian ke luar negara.
2. Menangguhkan semua program dan aktiviti yang melibatkan perhimpunan ramai seperti program sukan dan latihan. Walau bagaimanapun, bagi aktiviti Pengajaran dan Pembelajaran serta kokurikulum adalah berjalan seperti biasa.
3. Semua program dan aktiviti yang telah dirancang lebih awal dengan pihak industri, masyarakat sama ada dari dalam atau luar negara juga adalah ditangguhkan.

Penangguhan ini adalah berkuat kuasa serta-merta sehingga ke tarikh yang akan dimaklumkan kemudian.

4. Semua warga UTeM yang baru pulang dari luar negara atau mereka yang telah mempunyai hubungan rapat dengan pesakit yang disahkan positif COVID-19 dan telah menerima arahan '*home surveillance*' daripada Kementerian Kesihatan Malaysia (KKM) diminta untuk menjalani '*home surveillance*' selama 14 hari dan tidak menghadirkan diri ke UTeM. Warga berkenaan perlu memaklumkan kepada **Pusat Kesihatan UTeM melalui e-mel pusatkesihatan@utem.edu.my atau melalui talian 06-5534439**
5. Warga UTeM perlu mengamalkan langkah-langkah pencegahan berikut:-
 - a. Elakkan dari mengunjungi tempat tumpuan ramai dan tidak bergaul rapat dengan mana-mana individu yang bergejala semasa dalam tempoh lawatan;
 - b. Berada dalam jarak yang selamat (sekurang-kurangnya 1 meter) daripada orang yang mempunyai gejala jangkitan saluran pernafasan seperti demam, batuk, selesema atau sakit tekak;
 - c. Sentiasa menjaga kebersihan, khususnya mencuci tangan dengan cara yang betul menggunakan air dan sabun atau menggunakan '*hand sanitizer*'
 - d. Sentiasa membawa bersama penutup mulut dan hidung (*face mask*) serta '*hand sanitizer*' untuk digunakan apabila perlu semasa dalam tempoh lawatan; dan
 - e. Mengamalkan etika batuk '*cough etiquette*' yang baik, iaitu menutup mulut dan hidung dengan tisu apabila batuk mahupun bersin, seterusnya membasuh tangan dengan serta merta.

Pihak Universiti berharap warga UTeM mengambil maklum dan memandang serius perkara ini. Sebarang pemakluman lain yang berkaitan akan dikeluarkan dari semasa ke semasa.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka

sya/uddp/bgpo